

吳詩集覽

冊三

吳詩集覽卷六上

黎城靳榮藩介人輯

七言古詩三之上

送沈繹堂太史之官大梁

大清一統志沈荃字貞蕘華亭人順治壬辰廷對第三入授編修

十三年出為河南按察司副使分巡大梁道有政績歷官詹事卒諡文恪書法尤有名感舊集補傳荃號繹堂

雲間學士推二沈布衣召見登華省多少金閨榜墨新科名埋沒聲

華冷青史流傳有弟兄衣白山人披賜錦一代才名並玉珂百年絹

素垂金粉

原註宣廟時雲間有大小沈學士以布衣善書入翰林皆著名跡大學士名度小學士名粲繹堂為壬辰第三人

官編修擢授大梁道亦有書名小學士後也此敘繹堂家世百年絹素用正寫科名埋沒用反襯○雲間見哭志衍明史文苑傳沈

度字民則沈粲字民望松江華亭人兄弟皆善書度以婉麗勝粲以道逸勝號大小學士布衣見讀史雜詩其二華省見又詠古

文通別賦一金閨之諸彥撫言進士榜粘黃紙四張以淡墨軒筆書禮部貢院四字宋史選舉志求賜科名埋沒見行路難其六

聲華見哭志衍青史見又詠古新唐書李泌傳著白者山人詳西田賞菊西京雜記相如遂作大人賦以獻之賜錦四匹一明

史沈度傳一兄弟并賜織金衣鏤姓名於象簡泥之以金才名見壽龔芝麓張茂先詩乘馬鳴玉珂絹素見贈吳錦雯一皮襲笑

詩一半垂金知君門胄本能文易世遭逢更絕倫射策紫裘臚唱出

吳詩集覽卷六上中華書局聚

馬蹄不動六街塵曲江李杜無遺恨留取花枝待後人此承第一段言之先敘其

科第之貴○三國志王粲傳父謙名公之曹杜詩穉子總能文漢書原涉傳易世矣遭逢見宮扇絕倫射策并見哭志行盧

昇之詩一青雲蓋兮紫霜裘一方回詩一廬唱會叨殿上來杜詩

黃門飛鞚不動塵二武陵詩徒染六街塵國史補進士大宴

于曲江亭子謂之曲江會杜詩貫穿無遺恨墨莊漫錄徐通

特奏名魁戲題云留得宮花醒後看秦中記唐進士杏園初會謂

之探花宴以少俊二人為探花使明史選舉志一甲止三人曰狀

元榜眼深花制所定也按二句以李杜之不預曲江宴比二沈言

以科第待即今藝苑多供奉八分草隸清曹重署額新宮十丈懸章

郎體勢看飛動其餘作者何紛紛爭來待詔鴻都門圍棋賭墅王長

史丹青畫馬曹將軍此段旁觀前四句見書法之貴後四句以雜藝

相形○韓詩藝苑手祕寶供奉見王郎曲

吾邱衍學古編八分者漢隸之未有批法者也書輯草書者後

漢徵士張芝所造也又自程邈以降謂之秦隸賈鮪二倉蔡邕石

經諸作謂之漢隸林寬詩門掩清曹曉蜀都賦營新宮于爽

瑄三國志光祿大夫京兆韋誕書斷誕字仲將善書題署尤

精魏明帝凌雲臺成誤先釘榜未題署以籠盛誕輓轆轤長組引上使

就榜題去地二十五丈杜詩同病得韋郎蔡伯喈述行賦候

風雲之體勢兮飛動見汲古閣歌杜詩晚看作者意又總角

草書又神速世上兒子徒紛紛待詔見讚佛詩後漢書靈帝紀

光和元年春始置鴻都門學士晉書謝安傳符堅乘象號百萬次

於淮肥京師震恐安遂命駕出山墅圍棋賭別墅又王濛傳王長

史語甚不多可謂有令音按梅村壽余澹心亦有賭墅好尋王武

子之句然濟傳無賭墅事而亦未為長史也劉夢得觀棋歌自從

仙人獨樵子直到開元王長史程迓亭曰震澤長語翰林衙門
藝皆可入故琴工畫史及善奕者皆得待詔其中此王長史當指王
積薪也杜丹青引贈曹將軍霸君也讀書致上第傳家翰墨閒
弟子韓幹早入室亦能畫馬窮殊相

遊戲迸落長空筆陣奇縱橫妙得先人意頓挫沉雄類壯夫雙瞳剪

水清癯異臥疾蕭齋好苦吟平生雅不爲身計唯留詩句滿長安清

切長宜禁近官秋雨直廬分手處忽攜書卷看嵩山此正寫繹堂工
書能文克紹家

學也看嵩山點出之大梁意○唐書吳舉志每問經十條對策三
道皆通爲上第傳家翰墨見觀通天帖游戲見讚佛詩潘安

仁射雉賦倒禽紛以迸落唐太宗詩夕霧結長空筆陣見觀通
天帖縱橫見哭志衍世先人謂一沈也唐書杜甫傳至沉

鬱頓控隨時敏給周書李弼傳刑性沉雄有深識揚子法言壯
夫不爲也雙瞳剪水見王郎曲清癯見鑿清湖蕭齋見後東臯

歌杜牧之詩苦吟誰復聞南史蕭引傳亦宜少爲身計賈
閔仙詩落葉滿長安宋書殷淳傳淳居黃門爲清切唐書柳

宗元傳引內禁近與計事直廬見汲古閣嵩山見維陽行嗚呼男兒不入即當
歌沈休文詩分手易前期

出生世諧爲二千石黃紙初除左馮翊腰間兩綬開顏色君不見沈

侍中圖書祕閣存家風匹夫徒步拜侍從况今淋漓御墨宮袍紅

一麾去聽梁園鐘軒車路出繁臺東繁音杯酒意氣何雍容簿領豈

足羞英雄安能低眉折腰事鉛槧蹉跎白首從雕蟲此敘相送之意
宋書劉琨

傳一人仕宦不出當入不入當出（後漢書周澤傳）生世不諧作太常妻（漢書百官表）郡守秦官秩二千石（南史羊欣傳）人生仕宦至二千石斯可矣（黃紙見讚佛詩）漢書百官表（右扶風與左馮翊京兆尹是為三輔）（崔顥詩）腰間帶兩綬轉盼生光輝（李詩）開顏酌美酒（梁書沈約傳）字休文吳興武康人也遷尚書左僕射加侍中（圖書見松風秘閣見汲古閣歌家風見送杜殺武齊書梁書皆不載然史稱其流寓孤貧則想當然也）侍從見東萊行（李義山詩）濡染大筆何淋漓（張仲舉詩）請君留東錦宮袍（一麾見清風使節圖梁園見東臯歌）（莊子）軒車不容巷繁臺見

山路難（鮑詩）握君手接杯酒酒意氣相傾死何有雍容見送施愚山（梁書王瞻傳）每斂或竟日而精神益朗瞻不廢簿領英雄見又詠古（李詩）安能摧眉折腰事權貴（西京雜記）揚子雲好事常懷鉛提槧（蹉跎見送何省齋離蟲見汲古閣歌）

通元老人龍腹竹歌

通元老人來何方碧矐矐面拳毛蒼手披地圖向我說指點西極天

微茫視彼萬里若咫尺使我不得悲他鄉京師公卿誰舊識與君異

國同周行九州喪亂朋友盡此道不絕留扶桑（此段點明老人）

意（杜詩）問我來何方（范致能詩）碧矐矐大十何所主（宋景濂詩）虬鬚頰玉面九尺長身形（杜詩）昔日太宗拳毛騮（岑參詩）

鬢毛颯已蒼（後漢書鄧禹傳）光武舍城樓上披輿地圖指示禹（李詩）金鞭遙指點（史記蒲梢天馬歌）天馬徠從西極微茫見

福源精舍（南史齊竟陵王傳）咫尺之間便覺萬里為遙（左傳）襄二十九年吳公子札聘于鄭見子產如舊相識（李少卿答）

此段點明老人

國同周行是作詩本

異

此段點明老人

此段點明老人

蘇武書遺托異國詩示我周行杜詩亂床頭示我龍腹竹
離朋友盡山海經陽谷上有扶桑十日所浴

夜半風雨疑騰驤尾燒鱗蛻飛不得蒼皮倔強膺微張此中空洞亦

何有得無領下驪珠藏漢家使者通大夏仍來叩蜀搜箕箒更踰葱

嶺訪異種攜歸上苑棲鸞皇此段點明龍腹竹○床頭見宮扇
陸務觀詩一夜四山雷雨起滿林無

數長龍孫晉書夏侯洪傳騰驤於四極之外聞見錄魚躍龍
門雷為燒尾乃化為龍陸士衡漢高祖功臣頌一振威龍蛻

皮見南廂園叟漢書陸賈傳乃欲以新造未集之越屈強於此
集韻強其亮切宋史趙鼎傳此老倔強猶昔集韻倮梁勿切

字典倔強通作屈疆史記作屈疆蘇詞龍鬚半剪鳳膺微漲
世說王丞相枕周伯仁藜指其腹曰卿此中何所有答曰此中空

洞無物然容卿輩數百人領下驪珠見警清湖漢書張騫傳
臣在大夏時見叩竹杖蜀布問安得此大夏國人曰吾賈人往市之

身毒國箕箒見清風使節圖漢書西域傳注師古曰西河舊
事云葱嶺其山高大大上悉生葱故以名焉按異種字出後漢書祭

形傳史記始皇紀乃營作朝宮上林苑中南越志羅浮山第
三十一嶺半是巨竹皆七八圍長有一二丈有三十九節葉若芭蕉

謂之龍鍾竹嘗有鸞鳳棲宿其上我欲裁之作龍笛水底老蛟吟不得縱使長房投

葛陂此龍僵臥難扶策可是天教產竹郎八荒奇事誰能識一從海

上西南來中原篠簜多良材淇園已竭蒼生痛會稽正採征夫哀天

留異質在無用任將拋擲生塵埃此段是作者詠嘆龍腹竹故與上
段不復○王詩樂府裁龍笛

吳詩集覽卷六上
二中華書局聚

〔劉夢得詩〕照潭出老蛟〔馬季長長竹賦〕龍吟水中不見已伐竹吹之聲相似〔後漢書方術傳〕費長房者汝南人也市中有老翁

賣藥懸一壺于肆頭及肆罷輒跳入壺中長房遂欲求道于是遂從入深山長房辭歸翁與一竹杖曰騎此任所之則自至矣既至可以

杖投葛陂中也長房乘杖須臾來歸即以杖投陂顧視則龍也〔後漢書西南夷傳〕夜郎者初

有女子浣於澗水有二節大竹流入足間聞其中有號聲剖竹視之得一男兒歸而養之及長有才武自立為夜郎侯以竹為姓一賈

誼過秦論一并吞八荒之心〔中原見贈蒼雪條蕩淇園并見清風使節圖〕〔書〕至于海隅蒼生〇〇〔爾雅〕東南之美者有會稽

之竹箭焉征夫見避亂〔韓詩〕異質忌處羣〔莊子〕大木枝葉茂盛伐木者止其旁而不取也曰無所可用 拋擲見臨頓兒〔莊子〕

塵埃 若有人兮在空谷束素娟娟不盈匊盡道腰肢瘦勝肥此君無也

乃非其族雪壓霜欺直幹難輪困偃蹇忘榮辱邴君豈出子魚下高

人磊砢遭題目玉筍新抽漸拂雲摩挲自倚東牆曲苦節長同處士

飢寬心好耐湘妃哭 前止寫竹之形狀此段寫竹之性情有味外味是作者身分〇〔楚辭〕若有人兮山之阿詩在

彼空谷 〔宋玉登徒子好色賦〕腰如束素娟娟見西田詩〔詩〕不盈一匊 〔鍾仲偉詩〕品瘦故勝肥 〔國語〕非是族也不在祀典

白詩一園花雪壓枝〔孟東野詩〕願從正直節勿謂霜雪欺〔杜詩〕請君放筆為直幹 〔史記鄒陽傳〕蟠木根柢輪困離奇〔左傳〕哀

六年彼皆偃蹇〔杜詩〕忘情任榮辱 三國志華歆傳字子魚魏略一歆與北海邴原管寧俱游學三人相善時人號三人为一龍歆

為龍頭原為龍腹寧為龍尾 〔世說〕庾子嵩目和嶠森森如千丈松雖磊砢多節自有棟梁之用 〔晉書山濤傳〕各為題目 筍抽見

松鼠杜詩階前樹拂雲 摩挲見行路難後漢書逢萌傳避世

牆東王君公 苦節見清風使節圖 按寬心即虛中之意湘妃

見二十五 日遊諸勝 吁嗟乎崑崙以外流沙西當年老子驅青犢手中竹杖插

成林殺青堪寫遺經讀君不見猶龍道德五千字要言無過寧為腹

何可一日無此竹 此段與起處西極異國云云相照應可抵得行路

大清一統志崑崙山在肅州西南二百五十里流沙在沙州衛西

劉子政列仙傳老子姓李名耳周德衰乃乘青牛車去入大秦

過西關關令尹喜待而迎之與老子俱至流沙之西服巨勝實莫知

所終 拾遺記老聃在周之末唯有黃髮老叟五入手握青筠之

杖與聃共談天地之數 山海經夸父棄其杖化為鄧林 殺青見

茸城行汗簡注 史記老子傳孔子去謂弟子曰吾今日見老子

其猶龍耶老子乃著書上下篇言道德之意五千餘言 管輅別

傳可謂要言不煩也老子聖人為腹不為目 晉書王徽之傳

嘗誓寄人空宅住便令 種竹曰何可一日無此君

附考章懷後漢書注葛陂在今豫州新蔡縣西北何顯祖汝寧

府志葛陂府城西南四十里即費長房投杖處東漢於此置葛陂

縣按新蔡縣之西北即府城之西南也然不止四十里而呂民服

新蔡縣志云葛陂水在縣北七十里銅陽城引水經注葛陂東出

為銅水以為非今之縣西葛陵也然銅陽城今屬潁州府阜陽縣

呂志謂今隸鳳陽府潁州是襲前明舊志之文耳且即以呂志言

之既書其隸潁州即不得以潁州之古蹟為新蔡之舊矣而畢

卓書屋何以仍收於古蹟之內豈銅陽之屋可復還汝北而葛陵

之陂獨割入江南乎且為卓一人特立故達一門而于長房之事

削而不書皆不可解不如從章懷注為允又 大清一統志云

吳詩集覽 卷六上 四 中華書局聚

明統志葛陂在府城西南三十里據後漢書注葛陂在新蔡縣西北以今地形考之當在新蔡之北項城之南不應在汝陽之西南疑明志誤按此則呂志以為在潁州何志以為在府城西南四十里皆誤也

送舊總憲龔孝升以上林苑監出使廣東大清會典順治元年置上林苑監

正七品衙門按明史職官志永樂六年始置上林苑監國初蓋仍其制龔孝升送戴經碧太史詩自注予丙申

奉使嶺南按丙申順治十三年也

與君對酒庾樓月君逼干戈我離別與君藉地燕山草君作公孤我

潦倒此道敘與孝升相見之地對酒庾樓即壽龔詩我同宋玉適來游也藉地燕山即重謁三公梁戰前也○對酒見讚佛詩

大清一統志南樓在武昌縣南又名玩月樓即今之謙樓世說庾太尉在武昌登南樓與諸人詠譙藉草字出晉書惠帝紀一統

志一順天府宋宣和四年地入于金五年歸宋改為燕山府公孤見壽龔芝麓潦倒見送何省齋亦知窮老應自疎

識君意氣真吾徒門前車馬多豪俊躡衣上坐容衰鬢我持半勺君

一斗我吟一篇君百首每逢高會輒盡歡把我新詩不容口今日他

鄉再送君地角天涯復何有此承燕山句而申言之正見聚首之樂末二句點出送別又是以上八句反襯

末二句也窮老見馮南雁園叟意氣見贈李雲田一劉孝綽詩一衡門謝車馬史記酈生傳沛公時時問邑中賢士豪俊攝

衣見廿五日詩躡而上史記高祖紀遂坐上坐無所詘衰鬢見送杜陵武汪環公詩半勺滄浪歌濯纓一斗具行路難史記

屈原傳一篇之中三致意焉按百首即斗酒百篇意 高會見
遇劉雪舫杜詩興來今日盡君歡 新詩見贈吳錦雯一史記袁

益傳一諸君譽之者皆不容口 莊子送君者皆自崖而返君自
此遠矣韓文一在天之涯一在地之角一統志 天涯亭在廉

州府欽州東門北畔海角亭舊在台浦 山川有靈交有命延津會合
縣西南半里明隆慶中遷於廉江西

真難定如君共事曹侍郎百僚彈壓風裁正握手論文海內推交游

京雒聲華盛秋風吹向越王臺後先蹤跡誰能信不見蘭臺連柏府

却過劍浦來珠郡相贈雖無陸賈金相看何必周昌印此下皆廣孝

以秋岳相比觀也杜詩文章有神交有道 晉書張華傳華
得寶劍報雷煥書曰詳觀劍文乃干將也莫邪何復不至雖然天生

神物終當合耳煥卒子華為州從事持劍行經延平津劍忽於腰間
躍出墮水使人沒水取之不見劍但見兩龍各長數丈蟠縈有文章

秀水古廬江小吏詩共事三二年 浙江通志曹溶字潔躬號秋嶽
郎出為廣東布政使左遷山西陽和道裁缺歸里書一百僚師師

唐書柳仲郢傳輦轂之下彈壓為先北齊書李義深傳幼有風

裁握手見六真歌論文見東萊行 京維見茸城行聲華見哭志
衍廣東通志趙佐築臺凡四一在廣州粵秀山上曰越王臺

詩劍浦羅浮東一統志 珠池在廉州府合浦縣東南八十里海
中吳志 孫權黃武七年改合浦為珠官郡史記陸賈傳 高祖

使陸賈賜尉佗印為南越王尉佗賜陸生橐中裝直千金又周

昌傳周昌為趙相既行久之高祖持御 丈夫豁達開心期悠悠世
史大夫印弄之曰誰可以為御史大夫者

上無人知三仕三已總莫問一貴一賤將奚爲別君勸君休失意碧

水丹山暫遊戲客路扁舟好著書故園九日堪沉醉烏柏霜紅少婦

樓桃榔雨黑行人騎此段就孝升而申言之別君勸君休失意是作詩本旨○(杜詩)豁達露心肝(史記汲鄭

列傳贊)一貴一賤交情乃見(鮑詩)怨君恨君恃君愛失意見

蕩子行(昭明太子詩)桂檝蘭橈浮碧水(阮詩)朝餐琅玕實夕

宿丹山際(楊文公談苑)碧水丹山珍木靈草平生所愛不覺行路

之遠游戲見讚佛詩(荆楚歲時記)九月九日土人并藉野飲宴

沉醉見贈家侍御(晉西州曲)風吹烏柏樹(羣芳譜)烏白一名

鷓白(正字通)烏柏木名本作烏格(王少伯詩)閨中少婦不知愁

春日凝粧上翠樓(桃榔見

哭志衍(白詩)兩黑長楓人獨有飄零老伏生不堪衰白困將迎祇

因舊識當途少坐使新知我輩輕花發羅浮夢君處躑躅悲歌不能

去自敘作結與起處一段回環映合○飄零見遇劉雪舫伏生見壽

王鑑明(衰白見送何省齋將迎見蓉清湖序(莊子)無有所將

無有所迎(舊識見龍腹竹歌當塗見送何省齋(楚辭)樂莫樂

今新相知(晉書孫綽傳)應是我輩語(花發羅浮用龍城錄見

鹽官僧問詩(一統志)羅浮山在廣州府增城博羅二縣

界(文通別賦)知離夢之躑躅(古詩)悲歌可以當泣

巖沆字子餐送龔芝麓使粵東詩直節爭傳亞相賢投閣上苑領

林泉容棲蓮勺回中日去問梅花庾嶺天金殿頻嘶仙仗馬增江

正站武漢鳶羅浮山色輕車迴却望長安北斗懸一灞陵衰柳映

平蕪持節爭看汲大夫元老風霜標冀關清時雨露下番禺千山

象郡蠻烟合萬里羊城塞月孤此

去那論河內火流民應上使臣圖

雁門尚書行 并序

雁門尚書行為大司馬白谷孫公作也公代州人地故雁門郡長身伉爽才武絕人其用秦兵也將憑巖關為持久且固

將吏心秦士大夫弗善也累檄趣之戰趣音促不得已始出天

淫雨糗糧不繼師大潰潼關陷獨身橫刀衝賊陣以沒從騎

俱散不能得其屍大清一統志代州戰國屬趙置雁門郡秦因之宋書樂志及李長吉李空同

何大復皆有雁門太守行周禮夏官大司馬卿一入一

明史孫傳庭傳一字百雅代州振武衛人崇禎十五年正月

起傳庭兵部右侍郎賊殺陝督汪喬年帝即命傳庭往代計

守潼關扼京師上游而關中頻歲飢駐大軍餉乏士大夫厭

苦傳庭所為用法嚴不樂其在秦相與譁于朝又相與免語

洞路之明年五月進兵部尚書改稱督師賜劍趣戰益急遂

再議出師山西通志傳庭益募勇士開屯田繕器械粟令

三家出一壯丁置火車三萬輜載火炮甲仗戰則驅以拒敵

止則環以自衛時關中紳士咸請趣傳庭出關上亦急平

吳詩

集覽

卷六上

六中華書局聚

項羽紀一數使使趣齊兵潼關見又詠古一水經注一河在

關內南流潼激關山因謂之潼關傳庭傳一九月師攻汝

州遂破賊寶豐擣唐縣賊滿營哭自成幾獲大軍遂進逼襄

城久雨道澇糧車不能前士飢雨七日夜不止後軍譁于汝

記韓王信傳上以韓信材武巖關本左傳巖邑一戰國策

一粟不如者勿與持久說文一累增也檄一尺書也一史記

長身見六真歌陳仲采詩一上請分亢爽一史

州賊大至不得已還軍迎糧賊追及之南陽一日夜官兵狂奔四百里至于孟津死者四萬餘賊獲督師坐纛乘勝破潼關傳庭與監軍副使喬遷高躍馬大呼而沒于陣傳庭屍竟不可得公之出也自念必死顧語

張夫人夫人曰丈夫報國耳無憂我西安破率二女六妾沉于井揮其八歲兒以去兒踰垣避賊墮民舍中有老翁者善衣食之二年公長子世瑞重趺入秦得夫人屍貌如生老翁

歸以弟相扶還見者泣下蓋公素有德秦人云傳庭傳初

也自分必死顧語繼妻張夫人曰爾若何夫人曰丈夫報國耳勿憂我及西安破張率二女三妾沉于井揮其八歲兒世寧亟避賊去之兒踰牆墮民舍中一老翁收養之長子世瑞聞之重趺入秦得夫人屍井中面如生翁歸其弟世寧相扶攜還道路見者知與不知皆泣下余門人馮君訥生公同里莊子百舍重趺而不敢息

人作潼關行紀其事余曾識公於朝因感賦此什公死而天下事以去然其敗由趣戰且大雨糧絕此固天意抑本廟諱未可專以責公也公之參佐惟監軍道喬公以明經奏用能不負公潼關之破同日死各元柱定襄人沈歸愚師曰馮

振武衛人順治乙未進士傳庭傳傳庭死而跡亡矣宋史曹彬傳仗天威遵廟謨三國志王基傳歸功參

佐（山西通志）喬遷高定襄人由拔貢生授直隸永平府通判遷陝西鞏昌府同知本府知府按察司副使監孫傳庭軍事關城破挺劍巷戰大聲呼曰我監軍道喬某也手刃數人知不支遂伏劍死陝西通志同（漢書平當傳）以明經為博士（唐書選舉志）唐設取士之科其目有明經一舊說一參軍序中名元柱列傳名遷高互有異同（按）馮訥生潼關行序時又有監軍道喬公元柱定襄人罵賊伏劍死而尤展成詠明史樂府雁門哀自注亦作元柱然當以史及通志為據（又）序中作六妾詩中作七姬而史作三妾亦有異同

雁門尚書受專征登壇顧盼三軍驚身長八尺左右射坐上咄吒風

雲生家居絕塞愛死士一日費盡千黃金讀書致身取將相關西鼠

子方縱橫此段從尚書受命督師說起而追言其才武愛士正值亂

寇縱橫之時也愛死士暗照末段養士意○專征見夜宿

阜昌登壇見送杜發武後漢書馬援傳援據鞍顧盼以示可用

史記淮陰侯傳齋戒設壇具禮至拜大將乃信也一軍皆驚

書虞慶則傳一身長八尺有膽氣左右馳射

則風雲興起

（杜詩）絕塞愁時早閉門

（梁書元帝紀）叱咤

也好復言而求死士

千黃金見馮劉雪舫

致身見壽龔芝麓

韓詩一往取將相酬恩讎

（岑參詩）弓抱關西月

（三國志董卓

傳注一關東鼠

子欲何為耶

長安城頭揮羽扇臥甲韜弓不忘戰持重能收壯士

心沈機好待兇徒變忽傳使者上都來夜半星馳馬流汗覆轍寧堪

似往年催軍還用松山箭尚書得詔初沉吟蹶起橫刀忽長歎我今

不死非英雄古來得失誰由算此段言尚書欲謀定後戰而催詔數至也○語林諸葛武侯提白羽扇

指揮三軍唐書陳少游傳韜戈卷甲佇侯指揮漢書主父偃傳一天下雖平忘戰必危持重見蟋蟀盆歌史記仲尼弟子傳

孟堅西都賦後漢書光武紀贊沈幾先物兌徒見哭志行班

相如傳流汗相屬惟恐居後新論無覆轍之敗明史陳新

職方郎張若麒面商于承疇若麒未返新甲請分四道夾攻承疇以

兵分力弱意主持重以待帝以為然而新甲堅執前議若麒素狂躁

見諸軍稍有斬獲謂圍可立解密奏上聞新甲復貽書趣承疇承疇

激新甲言又奉密敕遂不敢主前議若麒益趣諸將進兵諸將以八

月次松山為我大清兵所破大潰士卒死亡數萬人若麒自海

道遁還又邱瑜傳因召對言督師孫傳庭出關安危所係慎勿促

之輕出俾鎮定關中猶可號召諸將相機進剿帝不能從又金毓

峒傳孫傳庭治兵關中吏民苦征繕日夜望出關天子亦屢詔督

趣毓峒獨謂將驕卒悍未可輕戰抗疏爭帝不納別詳松山哀沉

吟見送何省齋禮子夏慨然而起橫刀見茸城行英雄見又

古椎牛誓眾出潼關墟落蕭條轉餉難六月炎蒸驅萬馬二嶠風雨

斷千山雄心慷慨宵飛檄殺氣憑陵老據鞍掃箠謀成頻撫劍量沙

力盡為傳此段言尚書戰數有功而糧弗能繼也○史記馮唐

以誓眾墟落見茸城行蕭條見遇南廂園叟漢書高帝紀老弱

罷轉餉庚詩五月炎蒸氣萬馬見遇南廂園叟綱目實實

嶠山在河南府永寧縣北六十里綱目集覽東嶠至西嶠二十五

里左傳僖三十二年殺有二陵焉其北陵文王之所避風雨也千

山見贈顧雲師 雄心見大真歌懷慨見哭志行（杜詩）處處喧飛

檄（月令）仲秋之月殺氣浸盛（左傳）襄二十五年以憑陵我敝

邑（晉書載記）符堅曰鼓行而摧遺晉若商風之隕秋籜（黃魯直詩）掃籜筭迸地（鬼谷子）慮深遠則計謀成（南史檀道濟傳）道濟夜唱籌量沙以所餘少米散其（高逵夫詩）尚書戰敗追

力盡關山未解圍（史記淮陰侯傳）令其裨將傳食

兵急退守巖關收潰卒此地乘高足萬全只今天險嗟何及蟻聚蜂

屯已入城持矛瞋目呼狂賊戰馬嘶鳴失主歸橫尸撐距無能識烏

鴛啄肉北風寒寡鵠孤鸞不忍看願逐相公忠義死一門恨血土花

斑此段言潼關潰西安破而尚書死事家人從義也○（山西通志）

九月師次汝州爲都尉李養純降謀報賊老營在唐縣爲將史屯

寶豐傳庭遣將襲唐縣而自趨攻寶豐自成來援白廣恩高傑夾擊

再戰自成敗走遂克寶豐他將亦克唐縣師次郊縣賊萬騎逆戰復

大破之軍聲大振會天久雨道濘糧車不能前攻破郊縣裁得馬騾

數百殺食之追兵急見行路難（嚴關見序）左傳文三年民

逃其上曰潰（唐書王世充傳）乘高馳下壓其營（史記黥布傳）

可以萬全（易）天險不可升也（詩）何嗟及矣（退之送鄭尚

書序）蜂屯蟻聚不可爬搜（二國志典韋傳）但持長矛擦戰瞋

目見行路難（杜詩）去年南行討狂賊（庾詩）猶言乘戰馬（宋

史謝枋得傳）張孝忠中流矢死馬奔歸枋得坐敵樓見之曰馬歸

孝忠敗矣（張茂先詩）虎步蹈橫尸（蔡文姬詩）尸骸相掌拒（

山西通志）傅庭與傑以數千人走河北從山西渡河轉入潼關傑

請徑入西安傅庭曰賊一入關則全秦糜沸秦人尚爲我用乎不納

十月六日自成攻關傅庭登陴固守賊分兵從南山繞出其背夾攻

關城遂陷傅庭奮躍馬揮刀大呼衝入賊陣戰死（莊子）在上爲

吳詩集覽 卷六上 八中華書局聚

烏鶯食李詩烏鶯啄人腸銜飛上掛枯樹枝元詩啄肉寢其皮

白詩暗鏡對孤鶯哀絃留寡鶯張正言詩多恐君王不忍看

王仲宣詩相公征關右唐書馬周傳可為者惟忠義而已故

李義山詩恨血千年土中碧李長吉詩三十六宮土花碧

園有子音書絕勾注烽烟路百盤欲走雲中穿紫塞別尋奇道訪長

安長安到日添悲哽爾足荆榛見智井轆轤繩斷野苔生幾尺枯泉

浸形影永夜曾歸風露清經秋不化冰霜冷二女何年駕碧鸞七姬

無塚埋紅粉此段言公子重研入秦夫人女姬貌並如生也○李

亦曰經亦曰雁門山范致能詩迴腸山百盤山西通志辨蓮大

同之號雲中郡也其說北于後周助于唐而遼西京志又從而實之

一取遠蕪城賦北走紫塞雁門古今注秦築長城土色皆紫漢塞

亦然改稱紫塞焉史記吳王歸傳兵屯聚而西無他奇道北

史虞世基傳世基食飢悲哽戰國策足重爾而不休息注足

傷皮皴如蠶繭也荆榛見又詠古左傳宣十二年目于智井而極

之林注井無水也轆轤見琵琶行賈閬仙詩短褐身披瀆野

苔後漢書耿恭傳贊枯泉飛液三國志陳思王傳形影相弔

謝靈運羅敷山賦發潛夢于永夜陶詩淒淒風露交一

見蹟詩別路已經秋淮南子化者復歸於無形也不化者與天

地俱生也李又山詩冰霜凍規則吳彩鸞詩應得文簫駕彩

鸞按序云六妾而詩引七姬蓋用潘元紹妾事則上句二女亦

借用虞書字也蘇州府志七姬廟在元和縣賽金巷祀元左丞潘

元紹妾程氏瞿氏徐氏羅氏卞氏彭氏段氏明太祖兵破蘇州七人

同日自經死七姬墓在郡城東北隅潘家後復壁藏兒定有無破巢

圍張羽有七姬權厝誌紅粉見贈李雲田